

## Takurda-o Yohana atette-o

Rem-se ro n-me à:

M-zante 1-4

A bomog Gayas 5-8

A nasste Diyotupe 9-10

A bomog Dumituriyas 11-12

Ur-buste 13-15

### *Ur-gas*

<sup>1</sup> Me, Yohana, sek-wu me wu genbe ka takurda-o, hamo un be-ur Gayas wan-yen de wu me m-was n-me o-nip à.\* <sup>2</sup> Or re, wu me m-was à, me o-saktò kap rem-us ru ro m-neke hond hond. Men kon-se Shir wur-o ru ro kerker bo kukt-o ru ro kerker à. <sup>3</sup> Um nomog zak-o ur-hur da-o ye ken yan-dor ye haane, ye ruru te unze wo m-dore un cow-yo o-nip hond hond à. <sup>4</sup> Yatt-yo nomu me o-zak arge bo m-hoge unze yakar re ro m-dore un cow-yo o-nip á.

### *Senge-mo un hur-ur gaan*

<sup>5</sup> Or re, wu me m-was à, rem-se ur-bon se bo wo m-nome un or ru ne à, ko de nomte hamat-ne à. <sup>6</sup> Ye rurute yan-dor Yeso ye ro kane à ma-to un was-m ru. A nom ur-bon o bees ye un rii-yo ur-hew un cow, bo depe un cow-yo Shir à. <sup>7</sup> Ye un rwuun remen ye ko'otte jin-ur Yeso. Ye un goks un ko rii be-to un ye nape Shir á. <sup>8</sup> Remen kaane na yan-dor depute a gu ka hun-ne ye, a dek nu-se un ye remen a gem-ut ur-hi un ye ne be-to un senge-mo un ye mo o-nip.

---

\* Bor-o gaan:1 1:1 Hyen komo: Seng 19:29; Roma 16:23; 1Kor 1:14.

*Diyotupe wan-yage-to un hun-ne*

<sup>9</sup> Um genute yan-dor, amba wu Diyotupe, wu cone wu jiish kowan à, wu ro un ma-ut te á. <sup>10</sup> Remen kaane, me habe man hente ma-to un rii-yo wu ro m-nom à, wu ro te un naas ur-jin ut-we. To ka bo'os wu á, har wu ro ya-ur-hew un yage m-barke. Ye cone ye gokste yan-dor komo à, wu ro ye m-wen, har wu ro ye m-yan un Pyo-o Shir.

<sup>11</sup> Or re wu me m-was à, wo jar o-jar o dore bu-yo un rem-us yo-se á. Bon wu ro un nom un senge-mo ur-bon à, net-wu Shir wu ka. Wan-nom un senge-m yo-mo ne, wu nap Shir á, ko hiin. <sup>12</sup> Kowan rworog ma-ut Dumituriyas net-wu ur-bon wu, har o-nip un hi un de man cep ma-to un wu. Na komo ne, a nak un wu ne net-wu ur-bon wu. O nepste ne ma-ut na rott ut-bo á.

*Kom-de ut-ma*

<sup>13</sup> Um ro ut-ma ne deen to um cone wo m-rurbe à, amba m-moka me con um genbe wo to o-takurda á. <sup>14</sup> Me o-sakto, um robe be un du ujime hiin, remen a hyende a gassunte yish-ye ka yish-ye. <sup>15</sup> Shir a 'ye wo gwugwu-mo ur-hur. Or na ne myet kane ro wo ur-gas. Wo un ci ru, o gas or na ne ka so-se ne, ke'ke.

## ut-Hun New Testament

Hun-Saare: ut-Hun New Testament New Testament

copyright © 2017 Wycliffe Bible Translators, Inc.

Language: Hun-Saare

Contributor: WBT Central Zone

© 2017 Wycliffe Bible Translators, Inc. in cooperation with the Ut-Hun Bible Translation Project All rights reserved. The New Testament in ut-Hun (Eastern Dukawa)

All rights reserved.

2020-11-17

---

PDF generated using Haiola and XeLaTeX on 14 Jun 2022 from source files dated 30 Nov 2021

4b40cd80-7cb8-5d3d-8563-557f030f99d7